




民國重修新城縣志



袁勵傑
張儒玉
王家廷

纂修

本書二十六卷首一卷，據民國二十二年（一九三三）鉛印本影印。

重修新城縣志序

修志非易言也新城縣志續修於康熙癸酉距今閱二百四十年此邦先哲所輯後志稿既道咸同光以來歷次續稿雖規模略具卒以逡巡日久未獲成書蓋志之作也凡山川風土禮樂兵農古今沿革事變至繁極重積時愈久釐定愈難今欲補闕拾遺垂諸圖牒非一手一足之烈所克濟事也夫政事之成其始必有所甚難而其後乃閱久遠而不敝震撼驚疑之所歷艱難勞苦之所嘗精神意慮之所殫苟非往復慎重覈實求詳奚足以竟前人之事功而成一邑之掌故哉勳杰以寡陋適承其乏竊幸此邦文學之士咸兢兢以保存文獻爲先務大懼典籍

重修新城縣志

序

廢墜無以示來茲乃由王君貢忱陳君興炎宋君獻廷主編輯胡君冠岫吹君筱琴主事務張君振先張君升麟田君希海宋君春亭主調查各貢其熱忱毅力經營慘淡不期年而告厥成功仁者先難後獲殆於此見端焉耳嗟呼自載籍以來郡邑何在無志其最善者獨稱楊升菴之志蜀趙浚谷之志平涼爲其得班史之體格兼歐陽之文章也新城爲人文淵藪風流遺韻代有名賢此編之存安見今必異乎古所云也

中華民國二十二年九月前桓台縣縣長袁勵杰敘

重修新城縣志序

中華民國紀元二十有二禩歲在癸酉孟春之初余由觀城量移桓台下車伊始簿書鞅掌考文徵獻未遑也繼聞邑中耆宿重修縣志行且成書矣余既喜文獻在茲足以緝前徵而昭來裔又喜耆紳先生用力之勤詳考其風俗文物之盛政治得失之故俾爲治者之有所取資也蓋余數權縣篆每以文獻無徵是懼倡修縣志者屢矣皆議而不舉焉今前令袁公購修新志諸耆宿卽分力合作考訂外訛增補闕佚採訪筆削一年而觀成且體例詳明言簡意賅較舊志有加焉向非邑中賢達知志書關係文化之重孜孜懇懇同力合作奚克有濟大凡一邑之

重修新城縣志

序

治成一善舉令之所係猶淺邑中賢者能者和衷共濟乃爲自治根本也茲志已告成余躬逢其適何力之有焉惟有益自勵勉期副邑人望治之殷更望令斯邑者知修志之全賴衆力凡百舉措能使邑中賢者盡力則得矣且余尤有言者縣皆有志而善本絕少官修之善者尤罕見如康對山之武功志數百年來名海內焉蓋對山以武功人修武功志以其文學識力用於其鄉言近旨遠非無關於其鄉者所能道也今新志成於邑中諸賢之手且爲吾魯縣志之善本焉是則諸君修志之功之不可沒者余樂書其事著於篇後之來者有所考焉其在事諸君銜名略具於前縣長袁先生賢邑宿郝先生序中茲不再贅

中華民國二十二年十月桓台縣長陽穀張儒玉識

重修新城縣志

序

二

重修新城縣志序

清康熙中新城縣令崔侯修志之年歲在癸酉歷二百四十年至於今日歲又在癸酉重修告成意冥冥之中亦有數存於其間耶不然乾嘉道咸之世新城已更數十令崔侯之後竟無再如崔侯者乎新城夙號望縣人才輩出著作等身者亦不乏人何竟無一人焉關懷桑梓筆之於書而傳之於後乎後有作者一則曰後稿再則曰續稿但彙輯存卷而已迄未梓行此何故哉是天特留此重大難行之事故爾遲延歲月以俟諸今日也雖然今日之困難更十倍於曩昔矣自古著述家以志乘爲最難何者志乘必須徵文考獻確實有據然後可以信今而傳後

重修新城縣志

序

今上承二百四十年之殘缺廢墜茫茫焉毫無所依欲於一旦之間補之葺之以存一邑之掌故其誰能之而誰主之所以修志一事邑人屢次集議輒復報罷者爲此也後稿續稿屢次著手進行卒致有初鮮終者亦爲此也愈延愈久愈無徵世迭以更老成凋謝後顧尙堪設想乎民國壬申宛平袁寄萊先生以名儒來尹茲土聽政之暇詢悉情形極力提倡并檢卷得後稿及續稿共十一册發交士紳以爲依據且曰續修正在此時切勿延緩其論始定於時公推王君貢忱任總纂陳君興炎宋君獻廷任編輯并延縣中有聞望者數人任調查恐有挂漏又添委四區長及各鄉鎮長就近采訪助理其事胡君冠輅則兼綜

各部事務博訪周諮往來商洽左右而攸助之凡十閱月告竣
噫何其易也予始畏其難今反覺其易非易也諸公分任其勞
我坐享其成故覺其易也因思是事也予嘗有志焉而未之逮
畏難故耳茲以遲暮之年猶幸得與諸君子同觀厥成藉償平
生之願其愉快為何如耶雖然予猶有所疑焉疑夫後稿續稿
距今日或百餘年或數十年皆以畏難故中止而俟諸今日此
其中必有默爲轉移者予故曰前志之成也以癸酉年今日之
重修也又以癸酉年而成前後遙遙相應是必有數存於其間
非盡人力所能爲也

中華民國二十二年歲次癸酉秋八月邑人郝毓椿撰

重修新城縣志

序

重修新城縣志序

新城建縣以來志凡三修嘉靖天啟兩本都不省見其僅存者
惟康熙癸酉襄平崔侯志然亦殘缺漫漶不可卒讀迄今蓋二
百四十年云在此二百四十年中風俗之移易若何物力之盈
絀若何典章制度之沿革吏治人文之盛衰又若何記載闕如
觀感無自生斯土者貽文獻不足之羞蓋茲邑者有杞宋無徵
之嘆夙號望縣而典籍廢墮至此豈非大憾事哉民國紀元之
二十有一稔邑人士僉議序修而艱於謀始時宛平袁寄萊先
生長邑政極力提倡進紳董僚屬於庭語以茲事之不容再延
而修志之議乃定是冬成立事務編輯兩部而以 榮廷 等編輯

重修新城縣志

序

次之役自維學殖荒落曷克當此然事關公誼又弗敢以不文
辭爰追隨諸同人後檢閱鄉先哲所輯後志稿賢道咸同光以
來歷次續稿義例謹嚴一如崔志而俱未成書夫乾嘉道咸之
世邑多賢尹修墮興廢應易易耳顧志已脫稿而迄未梓行意
必有種種困難非言可喻者不僅在人才物力間也今承歲久
失修之後情殊勢異困難有加同人等受事以來幾經籌商訂
定體例謹將崔志後稿續稿及今次調查所得合併整理治爲
一爐疑者信之闕者補之繁蕪者節之譌訛者正之文字不無
增減體例略有變更不標異不荷同實事求是有改無削損益
進退罔或擅僭焉篇中方興建置賦稅典禮係陳君興炎編輯

選舉人物列女恩卹由宋君獻廷分任宋廷亦時貢其一得之愚參加意見間爲小序其職官金石藝文雜識則宋廷所編次而是正於陳宋兩君者名爲分編實皆合作是役也袁縣長主持於前今縣長陽穀張德如先生督飭於後又得邑人同情假以便利不期年而觀厥成視後稿續稿之迄未梓行者宜若可以自慰然而丁茲時局物力維艱我父老兄弟不惜出血汗之資應此等非急之需者爲文獻故也言念及此又浸浸然汗下矣搜佚訂殘容有裨於文化細愆糾謬是所望於後賢

中華民國二十二年歲在癸酉秋八月邑人王宗廷識

重修新城縣志

新序

二

重修新城縣志序

新城縣始於元志始於明一修於嘉靖再修於天啟書雖缺有間原序可徵也洎乎有清復修於康熙中葉鑒定者爲漁洋先生與修者爲梁溪嚴子傳董其事者則邑令崔君黍谷實官修也自康熙癸酉迄宣統辛亥歷年二百一十有八其間政教之設施風俗之轉移名臣碩儒之蔚起縷述難窮何難裒集成帙光前烈而詔來茲乃雍正乾嘉間有漢渡先生之後志稿道咸同光間有歷次續稿彙存多而修飾鮮迄未付梓其所以躊躇未果者當不僅在事蹟人文與物力間也迨至國體變更歲逾兩甲絕續之交文獻易湮同人有鑒於茲提議重修商之縣長

重修新城縣志

續序

一

暨全縣人士咸表同情而重修之議以定並推貢忱主編輯而以舉及獻廷佐之舉學植素淺且久荒何足以語於斯第義不容辭輒以管蠡之識勉效壞流於是重修之工以啓夫邑志者邑史也昔孟堅以典贈著承祚以高簡稱歐陽永叔之新唐書以事增於前文省於舊自詡雖得失參半要皆不肯乎謹嚴而已固陋如舉萬不敢妄希古人竊欲本斯意以從事迭經商榷耽思旁訊不避僭妄之譏遂取舊志續稿刪繁去複冶爲一爐鍊事務根據屬詞求簡嚴蓋其慎也顧古之作者類皆有良史材而又假以歲月然後成爲一家之言舉良書限於聞見香集等於急就安知無誤解踰鴨妄塗金根之謬是可以自信者未

必可以共信也訂訛補闕尙有待於後之君子是爲序

民國癸酉六月二十五日陳學長謹識

重修新城縣志

陳序

二

嘉靖舊志序

胡應鳴

嘉靖人

夫志者政之紀也存往昭來以辨物土以觀民風以資吏治蓋在郡邑咸弗可闕焉者也余始至新城承彫敝之極欲圖經理之方漫無可稽歲餘以志訪於鄉大夫僉曰吾邑志無傳久矣粵自元人始割於陵高苑地置縣國初典故散軼罔有作者成化間邑人同知于利知縣成儒始創志略嘉靖壬辰歲經歷王狀光知縣宮政續續編志稿近年前峯鄒公復命監生魏智庠生于牧取前志重編之諸君留心縣治非不勞且勤也顧經理者慮其費圖事者怠于成率皆未梓迄今益湮矣余曰有是哉茲邑之闕也夫籍以載典典以昭式政之大節也昔者孔子論三代之禮惟文獻是徵

重修新城縣志

嘉靖

一

蓋重之也若爾類廢後將何徵歸而謀諸邑佐張君師曾蘇君仕許君榮咸以余言爲是相承和衷期底于成時則職邑教陳君仕李君廷球許君愷訪求故實以備參考復延舉人王子之垣監生宮子敬庠生邢子質于子三聘李子鶴福吹子鐸于子三善成子績王子之干畢子昌等十人相與博考郡省一統諸舊志而日分釐之不逾月而就稿余復刪繁理亂疑者信謬者正類廢者修矣夫是志也豈其文具已哉余又謂有思道焉於方輿見形勝之概焉可以思守於食貨見稼穡之艱焉可以思節於官職見責任之重焉可以思勸於學校見化成之本焉可以思興於禮儀見人文之賁焉可以思飭於人物見質哲之光焉可以思重於外志見博

職之義焉可以思善於藝文見典籍之寄焉可以思考若乃戶口之敝力役之繁經費之多又余夙夜深思亟欲扶持而全安之者也天志豈徒作哉第恐闕之百年成于一日猶未免襲陋就簡而於民生利害所關未必能籌畫曲當可以傳之有永也是又侯大雅君子潤色焉爾矣捐俸鉅梓庸誠修志之意

天啟舊志序一

張必大 華州人本縣知縣

周官凡五史而掌四方之志者居一焉志也者志其山川風物政治之大略即史之餘也新故有志在世廟三十有七年前令胡公所輯今逾六十禩矣字跡模糊不可曉余視事以來每以此中凋敝頽弛之狀焦然軫慮恨未能旦夕更始竊自嘆曰新邑諸事之重修新城縣志

越於廢卽一志猶然由托鳧者遽廬相視不任其役吾奈何復俟後人迺亟思釐正而自媿音響羽食生未化不無貽嫌豕渡且蓮天排黨餘孽未熄蒐簡防禦心手交瘁曷遑賈餘勇握紀載之管時禮曹王公練經家居敬屬之博綜集思撫軼謀野而鑄以意匠非楮葉爲工者暨脫稿而殘者整璜者新缺者備略者詳大巫見示適獲我心蓋彬彬然一方之掌故矣自是山川之表隘風物之淳漓政治之得失已如白堊丹雘觸目易辨用以備他日史乘之採擇庶不至如杞宋之無徵不覺低回歎息者再四新邑地瘠而斥鹵居十之九小民力役胼折星攢分積以應上需勢不能無延欠稍迫之有輟戶走耳諸凡調停輿革一勞永利之議非不饒

口敝舌然人情多憚慮始而又目笑爲迂故其事有百難無一易而其難在今日倍浮往昔後有能爲百姓請命者覽是志得無有慨萬一乎而能復周官制作者王公之功不可泯也

天啟舊志序二

王象晉

聖天子御寶錄之三年京兆張侯以名進士來視邑事甫下車觀里閭之蕭條軫民生之凋瘵念邊疆多故郡寇盜連賊肆虐之餘徵賦旁午瘡痍未甦慨然欲喚咻吾桓而衽席之如緩催科動撫字重學校申保甲嚴夜禁躬巡行省詞訟革衙蠹冰心槩守甘雨和風凡可爲小民紓旦夕之命者不啻痛癢之在躬而調護抑搔之恐後閱明年治化大行一日貽書不佞曰國有史邑有志標鑑紀

重修新城縣志

序

三

愚嘗往詔來吏茲土者將藉手法戒以無訛政新邑之志逾六十年矣無論簡編漫漶字畫魯魚而近事闕如安所按要領以施補救殺青之役敢以煩吾子不佞唯唯謝不敏者再已而思舊志之作雖命自胡侯採自前詒時先少帥司徒公爲孝廉實董正之爾是而後一修於歸安錢侯秉筆者欽之程生可中再修於扶溝馬侯分任者邑人張計部羽鳳沈二府庭英揚州守起震周大尹沃身張孝廉徽猷暨諸生耿鳴陽崔雲章等不佞象晉綜藝文家弟吏部象晉銓人物雖優給筆札延歷歲月卒以渙而無統未幾厥成今諸君相繼物故篇章散失卽千百什一之僅存以語全書無當也計故實而繼先業績斷簡以竟前功予小子何敢譾焉於是

甌甌孽孽稽歷年之盛典探耆宿之帳秘察陵谷景物之更變究民風士習之隆汙參酌於計部君及良復諸弟家兄霽宇家弟象春又爲之刪其繁冗至於筆削更正釐然秩然一惟侯之椽筆是藉封疆域民厥有分土故首方輿疆界既正營造斯起故建置次之宮室攸寧生養宜先故食貨次之安居粒食教化宜急故典禮次之敦典善治厥維良吏故官師次之建極作人風化聿新故選舉人物次之賢哲矜耆天寵沕加故恩恤綸音次之探蹟索隱考異占祥故綜纖又次之至於鴻文大冊貝帙珠函所藉以闡揚故實昭示來許故以藝文終焉爲帙六爲圖五爲卷十四爲綱十二爲目九十有五上下數百餘載首尾十餘萬言一切可頌可傳可

重修新城縣志

卷序

四

勸可戒之已事靡不備載而吾邑文獻大略可觀已夫當舊志之作也時方國運恬熙物力豐衍號稱中興盛際而胡侯業已致慨於戶口之耗力役之煩經費之冗劇矧至今日羽檄風馳徵督電急最爾彈丸之桓亦且與通都大邑別膏髓而供車需能無顛連困憊而嘆匪民乎嗟嗟予邑幅員非加廣也而賦日倍土田素荒瘠也而又重以頻年之災膏靡土之毛原無珍奇瑰異可開利於四方也而俗尚侈靡日新而月異宜我侯當饋三嘆亟亟爲欲拯濟而安全之也侯留心民瘼移風易俗興廢舉墜詎止一邑乘之爲兢兢凡我士民其倘飭躬砥行景前修而垂後範無貽羞山川之靈卽所爲無負我侯者也

舊志序一

崔懋
康熙甲午本

新城邑志自明季修輯以來迄今垂七十年矣舊板殘闕失次幾同杞宋之無徵昭代文物典章尙爲誌載所未及每當檢閱之時尋章摘句不勝遺失興嘆或遇輅軒所至問俗採風殊苦抄磨難就余當受事伊始慨然有意重修歷因水患頻仍諸務未遑興舉嗣遇聖朝誕敷文教特命史臣修一統志而東省通志濟南府志相繼纂修凡奉徵採之文益屢蒐羅之力遺亡略備而聞見稍集矣因思邑各有志而鼎建以來纂修之最急者無過新城而勝事之可記者亦莫若新城何則封疆首重於山川追溯元明以來小清一河氾濫衝決而民苦昏墊大獄屢興自修濬故河下流入海

重修新城縣志

卷序

五

而億萬年之大患從此而悉除矣國家大事在賦役恭遇聖駕東巡獨租發粟民年七十以上賜帛有差優免一丁俾得侍養又臨德倉米輓運維艱自改折給餉軍民兩便是千百世之曠典一旦而遭逢矣操觚而應試者父子蟬聯昆仲鵲起一榜五成進士十年三冠賢書科目之鼎盛何如也捐芻而登朝者內掌邦教外任巡方司銓諫而秉文衡領度支而光翰苑人物之挺生何如也當今重華出治岳牧分猷薄賦緩徵積穀備賑則休養生息之澤靡不遍周閭閻而戶口日增革省差徭勸諭開墾則耕食鑿飲之儲皆得盡力農畝而土田益闢且也宜聖諭以啟愚蒙秉王章以化頑梗德威並著教養兼修懋雖不材罔敢自逸爰見學宮傾圯而

捐貲修葺廟貌克視維新念風俗舊瀆而置產延師義學庶規久遠若夫徵品行於當代考文學於藝林即通都大邑有未易及者而可不揚挖其盛與今夫典守責在有司而舊章不無廢墜者蓋有所由來矣當其一麾出守百里初膺士俗民情未能盡悉一轉盼而考績及矣賢者超遷愚者罷黜不旋踵而謝事去矣即此叢爾恒台歷數從前守士不四十年更十七令視官曹如傳舍涉案牘之紛煩方苦出入戴星奚暇留心志乘哉懋謬膺簡命幸際昌期浩蕩難酬愧素餐於久任聖明無事稍得閒於公餘躬講約而歷村鄉時辨遺文於殘碑斷碣勸農桑而親隴畝或諮軼事於父老傳聞當此文獻可徵商確有藉倘復自安固陋留待來茲無乃重修新城縣志

卷序

六

抱疚隱微而貽譏瘴疢乎用是博採羣言纂修脫稿而復就正有道討論成書謬叨提管之司得廁名於附驥幸藉諸賢之教冀免誚於纓貂闕故拓新備參通例分門別類略襲原文事涉聞見互殊務在徵實傳信制有今昔頗異不無僭筆增刪分綱十有一條計目六十有九自慚樵魯何當誌乘之林不揣荒蕪聊盡職司之責云爾

舊志序二

王士禎

誌者誌一方一郡一邑之故而已然其體實昉於經史昔大禹既奠高山大川爰作禹貢首紀山水次及田賦次及貢篚周禮土訓掌地圖誦訓掌方志所謂圖志者雖不可考而其見於職方氏掌

天下之圖以周知天下之利害者大要皆本於禹貢所謂經也司馬氏始變春秋紀年之例創爲列傳泊禮樂河渠平準諸書班氏又作八志則郊祀食貨地理溝洫藝文加詳焉所謂史也夫誌一方一郡一邑之故而其原本於經史如此作者其可苟焉已乎漢唐以來誌厯存者若三輔黃圖決錄華陽國志太平寰宇記數家遐哉尙矣予所聞見前明郡邑之誌不啻充棟而文簡事賾訓詞爾雅無如康對山之武功其他若王漢陂誌鄧呂涇野誌高陵韓五泉誌朝邑喬三石誌耀胡可泉誌秦趙凌谷誌平涼孫立亭誌富平劉九經誌鄆汪來誌北地張光孝誌華其地率秦地其人率秦人也故予謂前明郡縣之誌無逾秦者以其猶有黃圖決錄之

重修新城縣志

卷序

七

遺焉吾邑始建於元壤地褊小彌望皆斥鹵唐宋以前之事既無可書而其田又居下下物產貢賦不足當望縣什一兼崇禎辛未壬午洊更兵燹風物彫殘廛市僅具而風俗日敝小加大賤凌貴衆暴寡習以爲固然而不之返此皆守土者之憂也秦谷崔使君令茲十載仁心爲質善政流聞會報最擢冀州牧行有日矣而修誌之役適告成事予讀其書喜其簡嚴雅潔又有武功諸誌之遺志一邑之故而於經史之義有當也尤於田賦水患風俗學校三致意焉敦本而力田廉頑而立懦富之教之有其端矣因爲序述之如此誌初修於嘉靖先曾祖大司徒公實任分轍再修於天啟先祖方伯公蓋秉筆焉今賢使君修舉廢墜又得梁溪嚴子傳氏

以良史才左右而仗助之而不佞適觀厥成豈偶然哉豈偶然哉
舊序志三 邑人王啟棟

夫文章不關乎經濟必無用之文章經濟不出乎經術必無本之
經濟是以曆代名臣多由大儒如漢之賈長沙董江都治安天人
諸策非不照耀千古然而究不可行者以其迂遠而闕於事情必
儒術之未純也至於本經術以爲經濟因經濟而成文章今可通
古經而能權爲一時之治人垂百代之治法茲見之吾邑侯湘南
先生焉新之爲邑患莫甚於小清孝婦兩河秋水潦至蛇龍雜處
中澤之鴻嗷嗷待哺鹽繇松泉之貢惟有問諸水濱當此之時不
但爲民者婦子不保牧民者亦將手足無措雖議濬議防僅同築
重修新城縣志 八

含議獨議賑率屬畫餅歲癸酉先生來宰是邑甫下車即露冕行
野相度地勢某可堤某可閘某可挑可濬某河由某歸泊某泊由
某入海一一規畫妥確乃上其策於大吏咸驚嘆爲曠代奇才疑
虞廷司空復生今世遂急爲題請照議施行無朋厖之勞數十年
之昏墊一旦平成數百里之沮洳盡化膏壤中文數篇卽先生之
河渠一書也先生又曰易言狐涉水濡其尾詩言靡不有初鮮克
有終善後之計不可不講復議栽樹以固堤種葦以障灘眞桑土
未雨之綢繆也於戲先生之明德遠矣水患既消復慮里甲之敵
不除樂利難臻爲之量遠近均多寡一勞逸而後下免徭役之費
上省催科之煩遂使一至疲弊之新頓成樂土矣至於三教一議

其論尤遑自狄梁公之毀淫祠韓文公之焚佛骨而後千百年來
無一人能明其理間有知者又不敢斥其非非先生胆識過人斷
不能成此經天緯地之文爲此守先待後之舉破千古之愚蒙新
萬衆之耳目其闡先聖之道者其功當不在子輿氏之下其他善
政不以文章傳者或載之口碑或泐之盟府要皆取先王之成憲
當代之典章神明變化以合乎人情先生一代之循良實一代之
純儒也嘗讀循良列傳如所稱焦小黃蕭茂陵召穀陽魯中牟劉
平陵輩或以清或以勤或以明斷或以慈祥各以一長見取雖厚
德深人所被不過四境所福不過數年未有如先生之政大且遠
者今先生榮遷錦城旌節行將南指蠶叢望長堤之蜿蜒河水之

重修新城縣志 九

清澗皆先生之甘棠也成法俱在猶儼然先生坐堂皇而鳴五絃
之日畫一之典守而勿失又斯刻之意也夫謹序

志原

志者誌一方一邑之故其體本原於經史非可苟焉已也周禮小史掌邦國之志是為後世郡邑志所自昉漢唐以來華陽國志元和郡縣志濫其觴宋臨安咸淳諸志沿其流至有明而燦然大備新城之有志也初修於嘉靖三十七年戊午歷天啓甲子迄康熙癸酉前後凡三修各序言之詳矣然以記載考之嘉靖以前固已肇始康熙而後並未中斷特經理者慮其費國事者怠於成率未梓行人遂習焉不察耳今按嘉靖志胡序云成化間邑人同知于利知縣成儒始創志稿略嘉靖壬辰經歷王耿光知縣宮政續編志稿近年前峯鄒公復命監生魏智庠

重修新城縣志

志原

生于收取前志稿重編之是志稿已續輿於數十年之前至胡侯乃收其成固不始嘉靖三十七年也天啓志王序云嗣是而後一修於歸安錢侯秉筆者歛人程生可中再修於扶溝馬侯分任者邑人張計部羽鳳沈貳府庭英楊州守起震周大尹沃身張孝廉微猷暨諸生吹鳴陽崔雲章等不佞象晉綜藝文家弟象春詮人物卒以渙而無統未臻厥成是天啓志前亦曾兩度序修也至康熙崔志直接天啟突然在此七十餘年中如鄭僉事之新城舊事傳侍御之新城軼事私家記錄胥為志乘張本非漫然作者再崔志而後乾嘉間有後稿道咸同光以降有歷次續稿二百四十年之典章文物一一彙著於冊紹先啓後

厥功尤偉不然者吾輩今日咸墜緒之茫茫且將無所措手縱令勉強成事亦必左支右絀渾漏叢生又安得從容整理成為信史哉雖然吾輩此次重修悉後稿續稿之賜邑人士猶共知之共信之至成化以來志稿萬歷兩度序修邑人士或不盡知不盡信焉數典忘祖君子所譏竟委窮原務本者貴經史者志書之原成化以來諸稿為吾邑志乘之原縷絮追述昭示來茲庶後之人知典籍興廢士夫有責公私記載悉關文化及時修輯俾無廢墜云爾嘉靖天啟兩志書雖亡存仍與康熙崔志追錄纂修姓氏以識不忘其成化以來作者既詳具篇中不再贅至後稿為鄉先哲張漢渡先生所輯續稿則不一其世不一其

重修新城縣志

志原

人記載未能盡悉姑闕以俟考

嘉靖志修纂姓氏

知	縣胡應鳴
縣	承張師曾
主	蘇仕
教	鄧許榮
訓	諡陳士朝
邑	導季廷球
人王之垣	許愷
宮敬	

邢質	于三聘	李鶴福	耿鈞	于三善	成績	王之千	畢昌	知縣張必大	邑人張羽鳳	重修新城縣志	三	王象晉	王象春	王象復	王象艮	知縣崔懋	孫元衡	梁溪嚴傳	邑人王啓涑	康熙志修纂姓氏
----	-----	-----	----	-----	----	-----	----	-------	-------	--------	---	-----	-----	-----	-----	------	-----	------	-------	---------

凡例

一志各有例非沿襲也發凡緣起提綱挈領一展卷而全篇旨趣較若列眉不可移易者立異固誕不可剿襲者苟同亦誣蓋上關國政下繫民風惟因革之是競無異同之足言也

一凡載筆之事必先不私於己然後能不私於人一有偏徇反唇立至昔錢少詹大昕有言近世士大夫一入志局往往必使其祖父戚鄰一一廁名卷中於是孝友善行文苑等傳車載斗量徒爲後人覆瓿之用誠有慨乎其言之也今同人等以此自律甯有遺漏不敢瞻徇自誣誣人神明殛之一明本邑志既不可得而睹則僅存之崔志與鄉先輩後志稿

重修新城縣志

道咸同光以來歷次續稿俱爲此次重要根據茲公併整理增加近事名曰重修凡引用康熙崔本簡稱前志漢渡後稿簡稱後稿道咸同光以來續稿簡稱續稿

一辭尙體要作志尤嚴體裁茲參酌名家志例爲綱凡十二曰方輿曰建置曰賦稅曰典禮曰官師曰選舉曰人物曰列女曰恩卹曰金石曰藝文曰雜識爲子目凡六十有九附見五附圖十二爲卷二十有六備後之君子採擇焉

一戶間物產兵防驛傳前志列入食貨災祥則自爲編茲移戶間物產災祥於方輿移兵防驛傳入建置各以類附求其所安非敢訾議前賢好爲變更

一建置增水利一門因吾民生計所關當特別注意也至坊表寺觀無關教養與學宮倉庫並列未免不倫移入雜識亦改而不削之意耳

一前志食貨所列戶口物產編入方輿兵防驛傳編入建置其存者僅紀一邑經徵制度而已故改稱賦稅志

一前志人物傳多屬入私家行述墓誌故動輒稱公稱爵稱尊親屬更或於父祖傳中詳序其子孫事蹟而子孫各傳復盛述其祖父勳名連篇累牘莫可究詰幾令閱者眩目因其文而並疑其人非志體也後稿續稿亦彙存而未編訂重複繁蕪皆所不免茲則刪繁就簡俾歸一律極知僭踰無所逃罪

重修新城縣志

然事增文省幸閱者諒之

一品臨前賢論者以爲非是今本斯旨統稱人物不更類析但據某志某稿某類編入者仍于文尾註明俾閱者一目瞭然
一人物志元以前爲數無多世次尙易考訂明以後人文蔚起往往有前志未載而後稿續稿補入者亦有諸稿未載而散見於府志者一一較其時代先後殊感困難茲於明清兩代依類編次首前志後稿府志次之續稿又次之後先失序知所不免幸閱者諒之
一凡人物志有傳者於各卷首臚列姓氏以便檢閱其列女志有傳者亦同此例

一前志列女載五十餘人後稿載二百餘人皆有事實可徵旌表年月可考非此不錄蓋其慎也續稿所收至千數百人但僅存姓氏迄今年久考證益難仍舊錄存不敢臆爲刪削

一邑乘志金石幾成近代通例新非通都大邑建治較晚求所謂上古金石文字者蓋寡然邑雖編小有興廢有沿革其勅諸貞珉足資觀省者皆金石類也前略而今詳之亦習尙使然哉

一後世志乘藝文記載詞章殆有爲而然然於古無據也吾邑號稱文數代有作者茲略仿歷代藝文志例編次各家著述據書錄目而不載其文欲窺全豹當求原書非篇帙所能盡

重修新城縣志

也

一此次採訪所得鴻文佳製充棟連楹茲議將先哲遺編分別登錄其時賢著作方輿未艾暫從割愛論定俟諸後來
一本縣易名自民國三年始茲本史家斷代之義敍至宣統三年民國事蹟概不編入故書成定名仍署新城縣志

王榮廷貢忱甫謹訂

重修新城縣志姓氏錄

監修

前縣長宛平袁勵杰

縣 長陽穀張儒玉

邑 人郝毓椿

王國錫

畢翰先

張瑞庵

成維靖

議修

邑

人穆德榮

苗世遠

重修新城縣志

重修姓氏錄

王毓嵩

楊森列

王承震

伊不芳

周文海

馮 燕

耿秉機

張登奎

苗世德

王慶祺

總纂

邑

人王榮廷

分纂

邑

人陳長舉

襄纂

邑

人胡寶峨

田允鴻

張緒增

高允麟

事務主任

邑

人胡寶峨

耿懋祺

事務員

邑

人榮寶箴

重修新城縣志

重修姓氏錄

畢緒樞

王錫鈞

人宋茂宜

張緒增

田允鴻

張升麟

于孔訓

宋茂和

石修貴

王薦亭

重修新城縣志

重修姓氏錄

三

宋開楚

高允麟

孫學儒

王毓紱

馬德恒

王澤浦

田俊顏

張宇炎

劉毓文

王志恆

李珮祚

王仲祥

胡炳業

耿秉翰

測繪

邑

人張子倫

校對

邑

人王際可

王際闡

王慶祺

胡寶英

繕寫

邑

人張應中

印刷

王際闡

胡寶英

董淑琴

平民日報社

重修新城縣志

重修姓氏錄

四

重修新城縣志目錄

卷首

新序 舊序 志原 凡例 重修姓氏

卷一

方輿志一

總圖 星野 沿革 疆域 附

卷二

方輿志二

山川 形勝 附

卷三

重修新城縣志 目錄

方輿志三

戶間 風俗 物產 古蹟 塚墓

卷四

方輿志四

災祥

卷五

建置志一

城池 附 衙署 學校 書院 義學 附

倉庫 附 壇壝 附 廟宇

卷六

建置志二

水利 隄防 河渠 湖田 文告 附

卷七

建置志三

鄉鎮 街市 橋梁 附 鋪舍 郵傳

卷八

賦稅志

丁徭 田賦 起運 存留 雜稅 兵餉

鹽法

卷九

重修新城縣志 目錄

典禮志

公式 祀典 鄉飲 鄉射 賓興

卷十

職官志一

封爵 職官 元職官 明職官

卷十一

職官志二

清職官

卷十二

選舉志